

張文定公四友亭集

張文定公四友亭集卷之十六

七言律體

寫懷

次董山光
生韻七首

菲廬新構倚滄溟，地域仍分織女星。
東去波光垂月白，北來山色度江青。
碧溪道士春無夢，黃鶴仙人舊有翎。
舟泛木蘭天不礙，烟中鳧鴨水中萍。

柘館風烟托禁林，青銅忽報鬢霜侵。
屨綦不見

君王跡，帷蓋空餘犬馬心。
紈扇有詩堪琢玉，長門作賦豈揮金。
庭花坐惜春光晚，應負當年寵渥深。

四月江皋雨乍晴，芳塘一畝鑑空明。
興來時復麾談麈

愁破無勞動酒兵柳外餘春鶯獨轉花陰遲午鶴雙鳴
太平風景村村樂閒看禾苗得意生

狂歌不管籜冠斜世事無憑免美沙放筏自須瀛海路
垂竿何必漢江槎咸膺縱乏明時計良趾誰成末路嗟
瀛到昨應呼舊友莫催雙眼著玄花

竹樓晴晝轉涼颼坐憶巫山暮雨時萬國幾迴瞻有象
六龍何處渙如絲路危騏驥愁千里風急鷓鴣困一枝
恩遇十年酬未得謾勞華髮報衰遲

一葦南州縱所如更誰曾問子真居塵中肉眼驚投壁
水底鮫人泣解珠老樹含煙村笛遠薄雲篩雨暮鍾疎

東山忽送陽春曲吟對蓬壺思有餘

岱山高插四明東萬里潮音動海風若木斛催天闕曉
靈陰休妬日輪紅瀛州仙島尋常見銀漢靈槎只尺通
底事雨龍眠未起教人瞻望水雲重

朝陽堂

爲裴景文妹
文贈二首

朝陽堂外雨初晴中有仙郎作鳳鳴滿地黃花秋鴈影
一簾涼月夜江聲清醴味合琴書古寶篆香吹枕簟清
銀燭剔殘更漏未夢魂時復到承明

平田漠漠野堂開何處飛霞傍石臺鶴阜遠將山色遶
舜江時接海濤來階前樹影搖碁局墻上花枝入酒盃

甬水狂夫雲卧久欲乘佳興此徘徊

和馮景祥年兄登天封塔韻

二首

水郭飛梯百仞強乘風一舉入青蒼東溟乍覺成盃沼
平地何緣履太行正憶仙遊凌浩渺忽驚鵬運起冥茫
不妨孤頂聞高宿紅日看臨海上桑

王筍稜層矗畫圖興來輕步倩誰扶東窺溟渤唯青靄
西接崑崙有紫衢星月一天人嘯獨風煙萬里鶴飛孤
凌虛不減金莖表携取方平十二壺

次韻答嚴介溪待讀見懷之作

從別衡山有夢親孤懷何日向君陳秣陵城關新承寵

雨水園廬舊食貧風雨晝驚南史筆煙華秋老北扉身
應憐琪樹青陽節生傍陰厓不見春

懷張秋江

二十餘年別舊遊幾因親識話風流橫琴吳會千溪月
落筆滄江萬里秋勝日每懷東郭履清時誰訪富陽裘
鄮山慈水原鄰邑相見休教雪滿頭

壽賴市舶

紫霞深處祝長生紅日扶桑萬壑晴金谷故應追勝賞
玉堂先已識佳名仙宮有露天香滿雲漢無風碧海平
欲向安期問真訣官居偏喜近蓬瀛

借壽爲業自強先生

幾年瀟灑在滄浪蔗景欣看共孟光明月秦樓夜吹笛
菊花瑶席午催觴日臨蓬海金千頃露洗秋山玉兩行
莫歎傳經遠夙志鳳雛欲向九霄翔

雪後登迴雁峯

平生心跡比雲鴻雪裏獨登迴雁峯下界萬家銀作屋
層霄千仞玉爲宮依山繚遶江如帶極目氛氲地似封
今夜一尊饒逸興可人遙在月明中

晚渡湘潭陸行宿道園寺

荒塚纍纍壓坂田長江初臘淨嵐煙臨涯雪屋明湘水

薄暮風帆映楚天老竹叢中寒意劇亂巖通處月華穿
霸橋風景宜相似空坐禪房憶賈仙

蘇溪道中

袅袅岡巒曲曲溪幾家茆屋傍沙堤風聲故落青松裏
梅影偏橫翠竹西激浦逢春泉脉動沅陵向晚月輪低
文章閣遍湖南士立向卷阿詠葦萋

小暑日赴謝雙湖寅長池亭晚酌

二首時與湖
設酒有青蒿

金菊
二色

莫以仙蹤羨鶴樓鑑心亭子更虛幽板橋行過忘塵俗
湘簾鋪來襯碧流復有藤陰消溽暑不勞芭葉送清秋

主人爲設青蒿酒月白更深客自留

紛紛公牘幾時休長日池亭暑氣收清影一簾山樹碧
幽香四座水雲秋卽看世事成芻狗那復機心到棘猴
酌取雙湖金菊酒酣歌明月更何求

襄陽聞

聖駕出遊西山浹月未回東顧發齋僉憲

牢落湖南興未酬壯懷殊愧子長遊擬歸陋巷尋顏樂
誰向寒燈問杞憂河洛十旬應感舊巫山千里正悲秋
美人日泛湘江水曾賤離騷弔古否

次韻懷惲東麓寅長

寸心遙逐楚雲疑，
雁峰高負共登風。
月中梅影亂，
雪消江上水痕增。
君應跨馬臨寒立，
我亦聞鷄子夜興。
桂嶺巴河十年事，
勳名須與日俱升。

次韻荅劉用熙太守

先是方伯周公約置酒黃鶴樓日久不果劉以詩來

促云

紛紛案牘負幽奇，
春到江南艸木知。
從事但能償舊約，
尚書不顧有公期。
孤汀濁浪輕舟閣，
苦雨酸風季女饑。
猶有青陽九十日，
擬將醇醪博新詩。

和汪寅長守巖九日登彭山韻

佳句傳來翠碧疑，
獨慙形勝幾虛登。
素衣欲向風塵換，

青鏡偏知歲月增，澧浦深秋悲木落。衡陽膚寸看雲興，楚邦無限名山水。剛費君家墨數升。

賀汪憲長得子次前韻

湯餅筵開瑞氣凝，心田今日慶豐登。英姿錦繡細中見，樂事熊羆夢裏增。家世定看芳譽接，人間偏許德門興。恩榮舊錄須虛左。

鳳誥龍章取次升

正月三日奉侍家君出遊洪山寺次韻

清旭東郊景物熙，特於公暇訪幽奇。江山一日親顏喜，風教多方士習移。得酒且酬花柳興，居官何必簿書期。

古來閒却春多少屈指前人幾浴沂

洪山寺次吳都憲韻

興來山寺且逍遙不愧鴻飛鳳舉高臺榭幾重街暮景
雲霄千古一秋毫垂楊細吐風前葉翠竹新添雪後梢
歸去月鈞西海白玉壺銀燭坐春宵

遊天竺

淡煙微雨暮蘇堤佳伴相携任馬西花竹靜看人斷續
樓臺清映樹高低兩峰春氣催黃鳥九里松濤亂碧溪
最是山僧知愛客夕陽渾欲住招提

新軒次賴太監韻

重搆茆軒綠樹中。每傳詩句誅神功。雲開放鶴青天遠。
雨過觀魚碧海沖。傍檻禽聲春自足。入簾花影月初曛。
居閒欲試東山屐。借問薜苔逕肯容。

夏日村居二首

巴川日夜苦離愁。乞得歸來宿願酬。遍插園蔬防舊客。
豫栽籬菊待清秋。池亭坐愛青田鶴。郊牧行牽甯戚牛。
一著荷衣心似水。卧聽涼雨竹邊樓。

風搖薜蔓響高簷。裝裹殘書手自籤。鳳管玉樓邀素月。
碧筒深樹遣朱炎。東臬過雨施長屐。南畝逢秋試短鎌。
筮仕廿年家食半。獨於澗水性非廉。

馮景祥年兄游阿育王寺以詩見惠次韻 四首

湖上孤峯瘦可提禪房花竹坐來迷
雨暗拉客看龍鉢
日暮將僧過虎溪顛倒乾坤惟綠蟻
追尋丘壑有青藜
育王舍利光磨滅殘石空畱學士題

昔年方外扣禪關飛白曾看御墨顏
鰻井有靈騰霈澤
鯨波無恙卜區寰湖山晝永曇花寂
庭院風清梵景閒
忽任佳章動佳興秋荆松下擬重班

百花深徑曉霏微獨上層巔扣石扉
上塔爐煙熏日動
中臺旛影夾雲飛湖舍宿雨羣峰淨
海抱青山萬壑歸
形勝有餘吟賞缺風塵今已悟前非

海峽孤橫鄧嶺斜陰森松竹梵王家名專十刹形俱勝
教衍三韓路豈賒白社有盟惟贈偈青山何地不宜茶
謝公卧病虛長屐玉几秋空飛落霞

初秋述懷

次陳半湖
韻二首

十載風塵遠

帝州無端楚尾又巴頭鄉園忽返申鳴旆烟月都歸范
蠡舟老去漫思周俎豆閒來合紀晉春秋雲山回首空
真氣誰辨函關柱史牛

一夕金風動越州無邊客感上心頭中天鴈影橫江楫
雨猿聲下峽舟引穉笑窺瓜圃熟邀賓會喜秫田秋

鵲橋雲漢年年事何用空庭歎女牛

寶雲寺次半湖韻 二首

靜觀身世本無緣僧閣楞巖當枕眠久在村墟猶混俗
暫來城市得逃禪教傳鯨海三韓法經行龍宮列祖編
雪竹霜筠幽絕處每思投老寄餘年

偶向幽虛得此身此身前度屬誰人浮生盡被空華
慧照常矜水月新樹色遠開蓬島曙潮音新動補陀春
東樓睡起寒無夢高坐蒲團看海雲

秋懷疊韻 亦首

不作張衡賦四愁賞心詩句幾磨酬乘涼獨卧榆陰晚

坐月無憐桂影秋習靜書齋聞闐蟻和光塵世任呼牛
乾坤認取些兒事此外浮沉一蜃樓

曠士平生不解愁人心天意想終酬林塘雨儻黃花節
霄漢風歸白鳥秋

鳳輦還路馬麟經千載慎郊牛美人一別音塵隔
江樹雲鴻獨倚樓

酒向寰中善婦愁興來今日爲君酬松篁院落長疑雨
風月襟懷只愛秋邊寒漫齋翁失馬天庖曾試坦屠牛
江山信美仍吾土作賤何人上楚樓

憶昨鄉關入望愁身心今日始相酬芙蓉沼上頰觴月

楊柳汀邊獨擢秋，漢水狂歌憐楚鳳。
蜀山遺跡訪秦牛，風塵幾載渾顏尾。
誰在瑤京十二樓。

省端何必掛乾愁，葉底鳴蟬解唱酬。
鷺拂荷花明鏡曉，鶴翻松子翠屏秋。
秦官共識羸廷鹿，關尹能迎柱史牛。
讀罷連山誰晤語，海天涼雨一凭樓。

著書端不爲窮愁，楊子心期後世酬。
亦有持竿輕萬乘，或將酣酒表千秋。
閒觀世事渾飄梗，老覺胸懷欲汗牛。
隙地東林猶半畝，就中須起看山樓。

范處士輓詩

昨夜寒風吹紫冥，天南忽隕少微星。
井中空見畱賓轆。

架上猶餘教子經有客携觴歌薤露何人淪茗誦黃庭
魚龍窟窟盆江冷愁對孤墳宿草青

孝菴訪諸弟讀書

吾家羣季總英姿每日茆菴一問之流水小橋清硯席
風松雨竹遞金絲幽泉欲試新春茗玉樹欣看未老枝
莫厭寒爐灰夜撥碧霄人擬鳳飛時

見諸弟家會稿喜而賦之疊前韻

瀟灑文林玉雪姿百年家學汝塘之每將雄思誅毛穎
更剖遺經入繭絲春草池塘類感興綠槐庭院正繁枝
南溟已見垂天翼九萬培風要及時

次韻答陳宗儀丈

束髮

天朝愧非才，早依陶令騷。歸來林間白，板經春掩花。下
清尊盡日，開魚陣。心時波蕩藻，燕巢成後，逕封苔仙翁
咫尺。姜山麓，明月盆江度，落梅

和軒梁公以扇命書

八十年來願不違，人生全福似翁稀。阮郎花底彈碁罷，
仲路門前負米歸。清酒百壺窻燕語，綠禾千頃水禽飛。
從今直到期頤壽，日向槎湖一解衣。

竹亭二首

瀟灑亭前萬竹森，美人釀酒坐清陰。
晚煙生處參天玉，涼月來時滿地金。
暑退平林聞弄笛，波恬南海聽橫琴。
亦知儒雅雲臺將，風節終應表素心。
琅玕春雨長新枝，奕葉威名播遠夷。
清節已看塵俗外，貞心何必歲寒期。
商聲併落壺中矢，翠影交橫石上基。
儒將古來多俊雅，况逢滄海不波時。

悼亡

次馮松坡韻五首

老去悲秋思不同，鏡中全改舊時容。
名成翻憶機絲斷，客至猶憐斗酒供。
玉夜淚痕緣夢續，百年歡愛轉頭空。
岷峨自歎愁尤劇，萍梗真成贅世翁。

望絕琴臺細馬真夢回孤榻想情親楓青古浦游魂地
月冷虛堂對影人忽變寒衣傷手澤臨餐春菜感盤辛
悲涼謾讀潘郎句淚落秋風甬水濱

徘徊庭院丰村垂夜室何年是旦期顧影秋空江鶴怨
斷行雲路塞鴻悲長河逝水無重返老圃飛花不再辭
衣桁鏡奩愁觸眼綺窻燈火強支頤

高懷垂老憶前速免得悲歌扣玉甌已見班姬心永畢
絕勝馮衍涕交流百年身世漚千點萬古英雄土一丘
鴛侶不愁長異室且將情境放休休

堪憐華髮想糟糠猶有青年哭孟光兒女我今雛未翼

子孫君已玉成行芳尊永晝親三益竹簡深更引二方
少小琴心今老矣不應癡夢到求凰

秋日懷許松皋方伯

籬花獨照滄江晚白髮初驚劍外新萬國正傳麟史筆
三農猶借邵棠春田廬問舊心偏古玉署論交事已陳
湖勢海門秋八月碧湖風景詠歸人

新立東門

撤籬東牧起柴門佳景真應擅十分萬寶不如離海月
一錢誰買度溪雲侵凌雪谷青松樹點映春田白鷺群
細拂蒼苔一片石綠尊明欲坐清薰

東齋對雨

次蕭若愚
太守韻

此日東齋舞袖翩好風吹雨落尊前已看應禱占秋穰
却被催詩攪夜眠雲暗嘉禾青不了波翻秀水白相連
狂夫老覺狂無敵見說隣邦喜更顛

遊雪竇

次韻答陸舉
之內翰四首

逸興由來山水間勝遊何日更追攀花明石徑塵如掃
松冷禪房夜不關欲覓葛洪丹井去故招王子白雲還
亂巖幽竇疎鍾裏頭白孤僧對客閒

藍輿東去曙光微樹靄花香萬壑霏拔地危巖蒼鶻起
搖空寒瀑王龍飛極探竒勝頻更僕小憇幽虛一解衣

忽憶祝融峯頂立洞庭春水漾晴暉

捫蘿反徑苦迴盤直上標巔訝許寬月瑩珠林春自媚
光搖池錦鏡長寒一朝幽事探塵表千古名區寄筆端
石室藤龕最牽興凭危便欲置雕闌

雪竇當年誰鑿開乾坤臨賞屬仙才孤雲正指三韓路
一雨都空萬劫埃霧散石樓圖畫出風迴松壑管絃來
青精飯罷不歸去野鶴長鳴月滿臺

夏日西川別墅赴楊雲洲招飲 二首

竹影芸香屋幾間故家風物迥仙裳覆船楊柳條條碧
堆皿櫻桃顆顆殷已鑿曲渠通活水更規平地起青山

極知崔瑗能畱客雙硯飛泉入夜潺

刺水新苗映碧岑碩人曾此脫朝簪
遠峯含樹斜窺戶鳴澗隨風直透林
此日芝蘭輝夜正當年伯仲比南金
清尊水書勞深酌蒼柏虎壇長夕陰

寶雲禪房遣興二首

年登四十兩歸田喜有工夫伴老禪
愛月西樓簾盡捲貪涼北牖榻先懸
茶煙併入香爐火竹影斜橫玉井泉
長日閉門深徑底此中真與病軀便

微薰清晝款輕衫梵宇無聲意自緘
開閣遠通天竺國剝檉嫩見補陀巖
後猊座上琉璃影孔雀經邊琥珀函

世路只今荆棘滿寄身方外免鐫劓

書扇贈祖母舅

瀟散清朝八十春坐來言笑倍精神
雨滋陶令籬邊菊泉湧姜詩舍外鱗
多購陳編課孫子巧行觴政洽親鄰
舊家風韻尚書澤相顧樵灣莫厭頻

送劉咨甫縣尹

頻聞薦剡達京華此去清風並若邪
樹裏旌旄千竹馬雨餘禾黍萬人家
心懸魏闕

天應近夢繞飛雲路不賒鯨海潮來舜江駛相看無計

挽靈槎

輓寶雲師瑩然

幾回清話共香燈此夜西樓睡不能
伏鉢牀頭馴虎在聽經堂上白鶉曾
鹿園夢斷空千劫鯨海傳來第一僧
世界本無生滅性碧湖煙水自澄疑

柴門新成

鄞城南下是槎川門啓東齋樂事偏
明月一輪吟箔外綠雲千頃酒盃前
塵空霄漢豪孤鷓海抱林巒恣列仙
狂客四明應不少黑頭先買鑑湖船

愛峰

尊酒茆堂誰作伴滄江之上片峰青
有時雨洗淨塵垢

忽地雲開通性靈，靜裏乾坤自金石。忙中人事總風萍，
山神亦解仙翁意。空翠尋常到戶庭。

戴靜山芳洲別墅觀菊二首

一免塵途散百憂，小莊更上林塘幽。忽看綺繡滿叢菊，
陡覺乾坤無素秋。嶺外雲霞分片石，海天風日弄輕鷗。
琵琶撥盡暮山碧，明月半川人自留。

桃花源上鳥翩翩，脩竹短橋橫洞天。酒泛百甌催羯鼓，
菊開千種照賓筵。憑將勝賞追金谷，又見新詩出輞川。
狂客四明應不少，夜深猶繫鑑湖船。

發下邳得風有作

風急長淮玉浪層中流五兩片鴻輕每懷

帝國多年別忽報黃河此日清轉舵鷗沙村欲午捲簾
春樹雨初晴下邳回首雲霞隔明發彭城更幾程

次韻和屠親家 二首

濟州千里水欲竭淮北一春風怒號鞭石有人空興逸
盪舟無力枉形勞關門不辨青牛氣旅店誰賒黃鶴醪
賴有東明賢伯仲常將詩酒洽同袍

莫言性僻難爲客須信時清合競鬪視草只今榮內省
汗青從古耿賢勞春風已幸分蘆茗夜月還期共阮醪
今日耐波應暫阻夢魂先遶

袞龍袍

五月九日還過開河哭兄

二十餘年獨苦辛
開河今日重霑巾
抱疴即路心徒切
櫛髮率衣事已陳
似有游魂依水樹
空教衰髮寄風塵
秣陵宮館承恩地
爲爾緘書慰老親

過湖口偶述

二首

荆揚十載苦間關
那更移舟向此間
千里煙波雙白鳥
一番涼雨幾青山
漁歌款乃黃蘆渚
帆影參差綠樹灣
漫說錦城風物美
望雲遊子獨思還

盤餐甘老越
山薇牢落無端使
願違行路古來難
蜀道

滌流今已習吳磯
雨收江郭清
殘暑風捲秋雲出翠微
十載星槎天漢杳
試穿巴峽問支機

登子雲亭

落實乾坤一草亭
樓臺今復受餘馨
九戎索賴元無術
萬古游神自有庭
莫恠世猜玄尚白
長憐人以醉爲醒
偶來署蜀昇平日
漫撫穹碑讀舊銘

南部舟中悼亡婦

夢裏悲歡二十年
孤舟愁見月重圓
魂迷劍閣千峯雪
家住滄溟萬里天
石鏡逢春仍剝蘚
琴臺終古不鳴絃
每思扶櫬東歸去
過雨江流正可沿

牛首山寺二首

竣級躋攀未覺勞，巔崖忽入蒼冥高。
梵門朝開雨灑道，竹徑春懸風作濤。
鈴響不妨心境靜，路危惟審脚跟牢。
東南形勝此竒絕，回首浮塵空與豪。

十載心期此日來，果然牛首勝蓬萊。
松間石徑盡復轉，霧裏巖巒藏又開。
文殊法融洞幽眇，曇花祇樹山盤迴。
稍下雲梯觀倒影，半空鍾鼓梵王臺。

獻花岩

遍探靈峰幾洞天，對山名利更參禪。
映空白練蒼烟外，掃雨清風翠竹邊。
錦錯林巒看欲眩，裊柔芳草醉堪眠。

獻花岩在花誰獻空復懸崖溜玉泉

張文定公四友亭集卷之十六

張文定公四友亭集卷之十六

張文定公四友亭集卷之十七

七言律體

嘉靖七年春被命之官春坊四月二十有七日
行至德州聞遷南京國子祭酒返櫂至趙村

述懷二首

桑園驛路思家日忽謾回舟向白雲
客夢醒餘愁不染
親顏開處信初聞
一尊清酒沿新月
萬柳長堤帶夕曛
少小南雍勤負笈
祗今何以報

明君

平生不解計官資
心在

君親兩報時萬里西梁誰顧惜五年南楚獨奔馳旋橈
乍喜瞻雲近傍關仍於向日宜所愧此身經百練未知
今日信吾斯

來薰亭

次翠庭林方伯
先生韻八首

先生心事本休休小築虛亭寓遠眸巾履漫邀西蜀景
征徃全減昔年愁疎篁徑路風長滿流水池塘雨乍收
樂歲群公多暇日定誰先下釣詩鈎

繞入虛亭百慮休鑑空池水愜疑眸錦城經歲紆春思
雪嶺橫霄散暑愁老去詩篇渾自得興來風月許誰收
薇垣訟牒今稀甚喚鶴湘簾盡日鈎

簿書揮汗苦難休偶得褰簾此縱眸
庭州鹿眠呼不起
水花魚戲對忘愁山泉自按茶經煮
俸米分教酒肆收
湖海十年重會地有懷青髮贈吳鈞

回明狂客久歸休那更塵途後病眸
愛主可憐司馬渴
隨人空使漫郎愁來薰亭子清無比
向晚荷花爛不收
就裏仙翁最高興坐看西海墜瓊鈞

陽春高唱幾時休已豁風塵雨醉眸
燕國棘猴真費巧
漆園蘆蝶總忘愁共看明月光初滿
欲泛長江潦未收
達士有懷能自適肯將名位擬吞鈞

揮塵南臯聽未休步兵沉醉轉青眸
楓林正喜陪山簡

江郭何勞問莫愁，傍水鶴鳴涼月墮。
隔簾山好暮雲收，酒更唾落珠璣滿。
始信驪龍近可鈎。

水香雲淡雨初休，閒裏乾坤別有眸。
綠野預分裴相景，長江不動杞人愁。
百壺風致三生約，五木輸贏一笑收。
獨有蠶蟬州裏客，艸泥猶憶負又鈎。

百遍相過意未休，誰將佳景繫人眸。
長風一洗北山意，遠黛半含西子愁。
四海雲霖期大作，三川禾麥報全收。
天門合駕蒼鷲去，消得任公幾釣鈎。

酬董方伯先生見懷疊前韻

斜日書堂話未休，雲霄千古見雙眸。
江山白雪聲聲絕

花鳥春風處處愁，奕世名高還自立。補天功好定誰收，
閒來夢入璜溪屋。倒掛青蜺當箔鈎。

再疊前韻謝董璜溪方伯枉駕大益書院

檻花亭艸小車休，秋水胸懷碧玉眸。忽向乾坤破孤寂，
直翻江漢洗乾愁。清談六月冰霜滿，細酌千峯霧露收。
一笑拂衣畱莫住，錦城官漏月懸鈎。

承范蘇山劉岳亭二巡按枉過大益書院畱題

因次韻

晴日雙鷗並轡過，無邊桃李得春多。康成帶縮庭前草，
董子帷垂壁外蘿。道氣胸中空萬落，詞瀾筆底注千渦。

使君共是衡陽傑錦水巴山藉濯磨

甲申十月十九日江津道中值老母生日

鸞詔親承十五年翟冠猶未上華顛夢回堂背三更月
人在渝江萬里船喜拾當歸向東浙慙將遠志入西川
還家一笑千金值誰問行囊少布泉

雪後移舟漢江

二首

雪霽湘江乍捲簾汀洲照眼水晶鹽定知今夜月倍好
無喜明秋事可占酒力未能溫敝緼陽光先合到窮簷
移舟不盡瑤華地遺興揮毫忽滿纈

雪後江山分外奇開簾把盞任舟移百年最好是心得

人事極勞惟坐馳片玉遠連天盡處萬金齊湧日斜時
王喬此夕如相遇願借笙簫向月吹

雪後渡鄱陽湖

彭蠡湖中雪未收輕搖急舞任颼颼
糝成海外三韓樣白盡天南五老頭
極目荆陽封片玉關心吳越伏扁舟
明光未召相如渴何處盧仝試茗甌

和大巡范蘇山復進修書院

百年書館迭還復千里浮陰合更開
綵筆下時生氣象青驄行處躡蒿萊
斜厓影動清莖閣涪水光涵錦繡臺
寄語巴陽諸士子心齋能復似顏回

九日遊青三宮次韻

已信青羊不受國，漫從遺址探玄微。
尊前更菊冷相笑，江上白雲閒未歸。
復有西風傳地籟，不勞明月破塵機。
肩輿落晚錦城路，回首琅玕映石扉。

謁宋景濂先生祠

鄉山迢迢海雲深，尊酒祠堂淚不禁。
不落巴江無旅雁，日斜藁府有鳴砧。
百年忠赤酬

明主，一代詞章表翰林。
却憶龍門著書地，蒼蒼旻翹首獨

何心

公曰：序龍門子未云
仰天默視者久之。

殷清唱和卷

爲陳淮賦

壯懷經歲歷椒丘曾到秦山欲盡頭故里菑畬新種植
春風軒冕舊交遊興來白雪詩還賦老去紅塵事不留
漫欲從君論出處夕陽殷浦正飛鷗

草亭

春盡江南野草長草亭埋沒艸中央王孫去後音書絕
梁父吟成鬢髮蒼坐到夕陽雲淡泊夢回溪瀨月昏黃
天涯有客饒歸興時向寒宵步玉堂

懷棲雲林親丈

瞻斷新江更倚梅鳴皋公子最風流吟邊有興邀明月
塵可無心共白鷗湖海誰同表紹飲雲山獨繼鄭真遊

蒿萊未卜重過日預向南薰洗玉舟

又疊前韻

抽簪歸卧甬川梅已見天南大火流
荆客有時思跨鶴
海翁無意復驚鷗
籬邊覓句酬行樂
江上逢人問旅遊
誰似孤山最高節
西風欲棹木蘭舟

立春次李序菴韻

忽聞春至起相迎
樓外風烟動曉晴
雲鴈不知何處去
江梅空憶故人情
閑將客况陶尊俎
漫數流年歎補擎
天意與人應未遠
且從庭草玩生生

輓封大理評事王公

二首

雲錦當年映紫芝，青出那復再來時。
門前楊柳閒樓碧，溪上芙蓉好句誰。
鄉社謾勞重夢禪林空憶舊傳詩。
淋漓欲盡功臣閣，無限聲華感所思。

誰復烏衣憇水村，恩光日日照荆門。
麒麟欲上春風閣，蝴蝶翻迷月夜魂。
有客梵林傳舊草，何人鄉社泣芳尊。
獨應含嘆泉臺裏，時見丁寧詔旨溫。

次韻荅林父見寄之作

塵心渾覺淡於禪，石鼎春茶起自煎。
鳥帶輕雲來灌木，魚吹纖藻動幽泉。
千門舊德寧徒爾，阮徑清風自灑然。
最想連枝多秀發，月中移種定何年。

清河即事

落日清河起棹謳
朝來曾泊古城頭
四山雲氣開圖畫
千樹風聲入紀樓
潮向海門浮片月
雨於湖上送金秋
形勞日許心無事
沙際何須羨白鷗

高郵湖

秋風湖口放輕舟
恨不湖中少逗留
貪看烟波飛白鳥
欲從雲路訪青牛
孤帆沒處天應遠
片月來時地似浮
他日洞庭樓泊處
夜深須卧岳陽樓

建溪舟中

經春獨卧月中樓
今日溪行夙興酬
藻行一泓頻曳櫓

來遊兩岫恰通舟山於遠近分濃淡人到超遙識詠遊
珍重堯夫百年事品題風月抵王侯

出南垣湖見山

性僻耽詩興未闌獨辭金馬向江關他年定醉湘南景
此地得看湖上山風際水花搖晚色夢中烟樹繞
天顏長安十載成追憶今日瞻雲許暫還

夜過下邳

日日看雲思渺然錦帆欣逐便風旋淡烟橫樹鳥初下
涼月墮樓人未眠洪水津涯思舊蹟圮橋蹤跡問先賢
古來無限銷沉事心在君親定有傳

峴山祠

空山無恙倚荒祠
幾見新碑易舊碑
遺德不隨金石毀
芳名豈繫古今思
樊城入夜寒無極
漳水逢秋落更遲
終古人情只如此
他年零淚定緣誰

武侯祠

三顧荒廬起伏龍
荆江雲簇漢江風
曹瞞此際窺無術
周勃當年幸有功
莫以山河籌大業
須將日月比精忠
野蘋溪藻春春綠
行奠枌榆想未終

九日

攬鏡心驚髮早凋
高堂短髮更脩脩
每逢佳節愁千疊

曾向黃花醉幾宵已共湖山成伴侶還將心跡愧漁樵
明朝又上鄖西路沙月溪蓬對寂寥

赴天壽山途中次黃致齋韻

夾道垂楊露氣寒翠陰紅日上瑤壇偶經禪刹心神寂
纔出城闌眼界寬畏暑正逢銷暑盡夢山今喜入山看
村廬飯罷無餘事月色秋聲獨倚闌

謝湖南寅長未曾相面忽枉佳句口占謝之

謝家清譽使人思况是澄江若練時隔別若緣三楚濶
風情先遣寸心知瓊瑤乏報貪看雪珠玉新承自解頤
衡嶽洞庭皆落莫不禁遊興可期誰

襄陽龐統故宅廢爲雲封寺尼僧居之撫治陳
公始爲修復名曰鳳樓書院有詩見示因次

韻

靈雲封處喜重開霜節臨餘草葉萎政已除今日弊
忠心兼訪昔時才鳳遊何地人爭憶龍起南陽事許陪
冰鑑更逢千載後鹿門相對總無埃

次韻答沈國賓

金陵英秀度江凝門掩東風幾自登老去酒杯綠病減
春來詩草爲君增湖山雅趣超凡俗今古雄談劇廢興
千仞鳳凰真獨舉眼中埃壒任冥升

沅州贈杜復春

冀子從予過澧州，誇君藥裏有神樓。
武陵一見鶯花發，沅水相看竹樹幽。
家世清風懷白鹿，湖山高論遡青牛。
今來盡道醫孤客，客在應教四海瘳。

玉泉寺

次揮東
麓韻

江郭風清夕照收，玉泉峰外倚天樓。
夢回雲漢驚寥廓，人在瀟湘豈放流。
河洛十旬須監古，巫山千里正悲秋。
楚門松柏沉沉夜，誰向寒燈問杞憂。

肅寧王以軸命詩

憶昔湖南視學年，曾承春色醉賓筵。
草茅人識河間禮，

金玉輝聯棣萼篇忽訪青牛向巴蜀漫勞黃鶴見方圓
楚山湘水重經地思曳長裾愧不前

韓長史以追慕二親卷索賦

朱門幾載曳長裾五鼎空陳夙願孤紅日碧梧春起鳳
西風落木夜啼烏先容每向羨墻見人事堪悲歲月徂
韓氏古來多孝謹芳名今復播成都

送陸世中之京

聞說西行感興多曉風殘月聽驪歌蒲門桑梓陰初合
十載湖山髮欲皤莫負家聲唐陸贄終期相業漢蕭何
檻花官草相如渴夢逐清薰入禁坡

送顧維揚東還

洞庭六月水連天，珍重南來使客船。
家住四明聞世德，詩傳三楚識高賢。
對床風雨燈花落，極目雲山鴈影翩。
別意不禁秋動日，笛聲偏傍鶴樓前。

紫巘太宰以其弟戶部郎中考績送別詩見示
次韻

風雨鍾陵對榻年，獨辭郎署起朝

天樓臺曉映青山，郭華萼春輝碧玉仙。
莫向鴿原嗟遠別，會從鵬海見高遷。
謝家伯仲紆情思，池草吟成夜不眠。

又得報陞南贛兵備副使喜而有作見示次韻
詞賦高名邁子安全將屈宋擬衙官司徒作屬咸稱屈
太宰爲兄亦自難

龍勅下時關月白蠻烟銷處戟霜寒經綸舊熟姜肱枕
扶世何勞別問丹

陳魯南少叅陞山東叅政以詩識喜枉示次韻

重聞

驚詔下金門廊廟江湖摠

帝報國有軀終負曝弄丸何地不旋坤船頭鴈落秋
光動筆底風生海勢奔東嶽雲深洙泗杳夜窓燈火憶

微言

久菴宗伯水亭落成中秋夜翫月次韻

新亭城郭迥涵秋

帝里風光此最幽
明月萬家烟樹碧
美人千里渚鴻愁
天空篠簜笙簫逸
水遶關干几篔簹
浮尊酒未酬宗伯興
銀河斜轉片峰悠

登清涼山限韻答孟有涯

尊前鴻影落高秋
疎竹幽亭俯石頭
風淨烟嵐千樹列
天空江漢萬山浮
上方鷄犬雲連剎
何處笙簫月滿樓
佳景摠堪娛洛客
未應懷土薄南州

張文定公白文齋集卷之七

六

七

送惟可叔歸

秋風江口速歸航
三載橋門擬報章
甲第家聲饒雨露
簪纓奕世有輝光
天台脉入明山秀
瀛海支分甬水長
公藝門庭人似玉
好脩名蹟紹書香

中秋日汝湖翰長以其子再晬招宴

次未齋翰長韻

商瞿莫歎髮毛蒼
喜見探花更有郎
英質共憐芝草秀
錦綉先染桂枝香
江南相業知繩武
秋半天輝再舉觴
聞說熊羆頗有毛
賓筵還看玉聯行

詠雪

次凡厓韻
谷誠齋翁

鶴架回翔丁令威
續紛玉珮燒明妃
瑤華自作豐年瑞

玄景誰窺杜德機
茶鼎熟時醒午夢
酒盃深處盎春暉
渭厓山叟清癯甚
對此吟肩日更巍

送張巡按還朝

英聲朝著已多年
驄馬遙臨百務便
抱策盡看躋素月
戴盆咸喜望青天
湖南春動來時雨
江介霜嚴淨宿烟
共向遐方憂衮職
送君西去一凄然

柳東溪都憲跋鶴詩屬次韻

脛折非關損羽儀
天成仙骨免煩醫
雲間自覺清聲遠
花下何妨瘦影欹
已到霞天遊倦日
全勝荆璞獻回時
重飛况有搏風翼
肯共榆枋燕雀期

輓訥菴畢處士

清世潛踪到白頭
我來空復思悠悠
西風不返漢江水
芳樹獨青鸚鵡洲
名在八閩還有頌
冠隨三楚豈稱囚
英魂定作松喬侶
時共吹簫過鶴樓

送張巡按

霜威飛動九疑清
采遍民風入

帝京文武盡搜岩
宄士江湖一繫廟
廊情春霄目送花
駘遠旭旦遙瞻綵
鳳鳴最是烹魚思
漑釜周行千里獨
心忤

觀音巖即景

幽谷嵌研啓石扉扉前瀑布閃斜暉
臨崖偃蹇松千尺面佛姿羅樹十圍山
似癯翁筋畢露岩如立鳥翅將飛
人爲不與天工巧分付塵中好息機

蕪陽舟中感興

十年天上鳳池身使節南來感興頻
江闊每噴豚拜浪山深不見鳥啼春
木蘭陂上梅花落玉鏡峰前柳色新
西望美人如只尺碧溪無恙採青蘋

蘭溪 三首

雨餘新水減平沙吟倚篷窗玩物華
翠艸成茵迷柳色白巖如雪燦桃花
雲飛鄂渚瞻親舍月照蕪陽艤使艫

欲問玉臺山上事，道陵歸去長春茶。

蘭溪溪上晚生烟，回望蘄春春可憐。
細柳新蒲依客館，碧山紅日照樓船。
東風滿意開桃李，流水何人奏管弦。
明發青衫迎載道，獨慚身教負英賢。

一日春回暖氣融，朱門茅屋萬家同。
莓苔細點桃花雨，楊柳輕搖麥秀風。
鳥弄不知何樹裏，雲歸只在此山中。
長途不厭頻勞役，爲有靈襟與道通。

黃梅道中

二月黃梅開碧槎，使車東下轉忘勞。
鄉音漸與勾吳合，山勢斜連建業高。
江上魚龍浮霽景，烟中鳧鴨映芳皋。

幾年荆楚牢籠地應愧春風列俊髦

由蒲圻至崇陽途中即事

四月微薰扇郢城鍾臺白日隱傳聲倚霄危磴溪邊立
漱石清泉樹裏鳴倒影橫來驚地險茂陰窮處詫天晴
觀風忽盡蒲圻境燈火崇陽候吏迎

羅田道中遇雨二首

西出黃梅拂面塵經年行役病羸身歸期謾數天中節
客路愁逢甲午旬風送烟花迷曉竹雨將寒色逗芳春
青山晚挹羅田景楊柳棠梨處處新

嚴家坳上午聞鷄幾日東行又復西顧聆不遠山百轉

謳吟無地鳥羣啼
烟中樹色寒疎雨
竹外花枝映淺溪
會點歸餘春寂寂
共誰携手踏沙堤

烏峰寺

日午烏峰冠紫雲
松林鍾磬靜堪聞
山將列嶂排碁勢
水向平沙布縠紋
白石最憐蒼竹繞
青春何必嫩紅紛
麻姑莫謾矜高立
猶有仙人混俗氛

遊定慧院登東坡亭次韻

條然天際此茅亭
偶及花朝適性靈
曲逕遠通孤鶴館
危欄平視老人星
烟含暮篠叢叢碧
鏡倒春屏面面青
清興滿前消未得
催觴歌管莫教停

登赤壁坐孤鶴亭二首

橫江孤鶴歸何許
圖畫天然萬古開
風日一年佳景別
雲山幾度美人來
吳歌自振春林木
謝屐仍穿曲磴苔
醉倚欄干欲歸去
夜深明月故徘徊

偶來幽景失榮枯
乍覺風塵夢欲蘇
白鶴下時仍瘦骨
碧椀開處即玄都
滄江沂月頻成賤
溟海培風自有圖
爲想山陰秋鑑淨
未能歸去定非夫

泛江

三首

東方月出大江平
江上驚看白戰兵
綠酒不妨通夕飲
素毛渾覺照人明
湖湘草樹多年別
巴蜀風烟萬里情

小艇碧波隨意泊空山徐送玉簫聲

新陽別去自何年巫峽重回漢使船
覽勝即看繩杜後作詩端合讓盧先
虛亭坐數鷗邊徑長笛吹回鶴上仙
風月江山隨地足行囊消得幾青錢

渺渺平蕪淺淺汀荆歌何處起還停
青山入夜微茫月碧吐涵虛上下星
往事獨垂菑賦咏春風隨意引醅醅
逢人不作塵凡話試與踟蹰道士聽

鄒溪舟中二首

野航欹枕看青山七十日來無此閑
曲曲小溪清見底迢迢微徑巧緣灣
風吹麥浪千陂綠雲覆花枝萬落駸

應有餘春在麋國樹頭黃鳥對綿蠻

馬首窮冬還極西相將棹出鄖陽溪經年翠華出不返
誦罷祁招悲欲啼萬里孤雲天渺渺千山晴樹風淒淒
石渠仙人近何事楚客尚憶然青梨

界山驛次壁間韻

過雨驅車出穀城水光山色紛縱橫乍乾風絮減狂性
亂發山花無定名好鳥聲催農事急晴雲影落酒卮明
同袍正擬策高足來及釣天第一盟

宿玉真宮遇雨次日早晴登武當二首

夜宿仙宮忽雨聲曉看清旭滿軒櫺青焚草樹添山色

淡泊風烟顯地靈
身入太微淪
王露步窮天柱俯金星
長空月白不歸去
却憶塵中夢未醒

何處烟林起洞簫
夜來涼雨洗烝歎
危梯絕頂懸金索
碧樹小溪橫石橋
仙去榔梅猶歲薦
丹成鐵杵始全銷
黃昏暫向朝天宿
更訪南岩下紫霄

王虛宮

探遍金真下王虛
薰風相引步蟾蜍
峰巒遠近層臺下
天地圓方再舉餘
自有青精堪旅食
却憐漁父失仙居
幾年湖海塵埋甚
且向層霄一振裾

又次守巖韻

二首

仙客元居碧落宮，躋拔今日許相通。
風烟渺渺紅塵隔，溪壑重重淡月籠。
地傍龜蛇應有兆，火成文武即無終。
清遊莫恠淹留甚，案牘明朝復在公。

石級雲梯重復重，御風飛度肯留踪。
雲端日影明雙闕，樹裏烟光俯萬峰。
獨飯青精凌絕頂，誰呼白鶴下晴松。
玄都仙府分明到，豈是華胥夢裏逢。

王府宴罷出軸命詩，晚次公安，因致奉懷之意。
旅館孱凌夜不眠，河間人識獻王賢。
從容咲語紆風味，次第壺觴侑管絃。
塵暑盡教花木屏，清薰應向殿廷偏。
相思未擬裾重曳，吟對滄江片月懸。

送杜鎮守之閩中

仙樓縹緲鵠山層
臨發危欄且暫凭
南粵風烟皆舊歷
清霄恩露是新承
三湘歲事先秋卜
五月江痕過雨增
畫舫沿流去如矢
扳留無計歎黔蒸

送黃筠軒少參拜表

千里仙津接帝畿
使君東去願無違
帆檣漢水凌風急
草樹湖南帶雨肥
路遶白雲春動色
錄陳金鏡日生輝
猶聞諫疏傳青瑣
正喜恩波洽紫薇

安陸寫懷

慶荷椿庭壽六旬
癡兒猶自走關津
官居祿養非三釜

客底歡娛有幾巡，已祝遐齡。仙嶽頂，還邀勝事。甬江濱，樓船指日沿流去。鄉國賓朋處處春。

安陸聞崇甫弟病故

雪暗鄞江不見春，乾坤淒淒斷百年。身深閨月曉，悲銅雀，孤榻天寒。啼石麟，魂夢不教風雨散。恩情空憶雁魚頻。可憐澤國多愁客，仍向燈前淚滿巾。

次竹村先生韻

多少玄都觀裏樵，春風開遍不知勞。湖山興遠韶華老，霄漢塵清步武高。昔猶一般菴杖履，珠璣千首續蘭皋。蒲團竹榻三年事，小子森森荷譽髦。

過武陵吊蔣信秀才

山窓燈火幾啣丸
授簡文場拭眼看
泮水忽傳風木怨
烟江空歎采蘋難
天南暮雨斑湘竹
湖上寒雲暗澧蘭
孤鳳九苞須自惜
莫教霜雪遽摧殘

平江道中

崔嵬岩磴苦勞形
剛道江平地不平
霄漢幾時還捧日
湖山今夜獨披星
即看衣珮生華彩
終覺狝猴少性靈
彈罷玉琴誰和者
水聲隨月到虛庭

端陽途中遇雨有感

綽遇端陽怕陟岡
岡巒今日故相當
雙親客邸愁誰語

遊子天涯苦自嘗已有啼痕堪浣袂不勞零雨更霑裳
可憐童子癡愚甚手把青蒲欲具觴

次韻送江大行還京

長夏山城景色新瓊花時擷楚江濱多情夜月懷前事
得意東風見美人詞賦春容追大雅丰姿瀟洒出浮塵
青霄一去幾千里須醉芳洲竹葉春

送海山都憲之寧夏

幾度追隨黃鵠山鵠飛今已絕塵間岐雍建節天應近
江漢遺聲水共潺關月正圓秋色淨胡塵不動塞雲閑
明廷指日還充國麟閣丹青屬壯顏

南中鄉飲

爲方伯周
來軒公贖

徼外蚕鳧自古州先生遺制幾人求
荒陬禮樂千秋會
昭代聲華萬國周
雨過羣峰看豹變
冥飛六月訝鵬收
湖南我亦司文教
慚愧文風壅未流

蒲圻夜興

三首

秋風郊牧已荒涼
碩果枝頭尚一陽
京闈幾年成夢想
湖山千里獨奔忙
道論前古誰華國
文喜諸生有擅場
絡緯似知羈客思
夜深猶自傍吟牀

五月南征到早涼
又乘羸馬下蒲陽
官曹似我有何益
人世只今無此恹
丹鳳集來花滿地
白駒歸去藿盈場

可憐客館蛩吟夜猶夢薰絃遶舜牀
處世無能笑踽涼寸心誰信足春陽九千髦士三巡接
五萬危程四載忙龜鶴不妨隨野性鳳凰重見起文塲
有懷鄉國琴臺下松竹清陰遍石牀

雪竇題辭 二首

絕壑松濤怒不舒石樓晴雪酒清虛尋幽會見三花發
紀勝應須萬竹書亭榭即今皆舊蹟乾坤何處不吾廬
他年若解疏郎綬茲地高懸廣德車

東大洋頭千仞山湯膏雲氣極躋攀茅廬大士傳三昧
蓬島真人話九還銀漢分流飛樹杪玉峰含雪迥仙寰

持盃直送月西下他日客來非故顏

詠雪次惲東麓韻

柳絮吟成陋撒鹽滿前瓊玉晃湘簾園林鳥避乘風急
庭院人稀度隙銛古堞蓋深迷素跡老松擎重出青尖
寒屏面面清江澹長日牙籤手自占

蓬州登江山一覽樓

次聲間韻二首

肩輿攜曙下西岑事冗長憐病骨禁偶愛山亭一登眺
更緣春色費謳吟寺前花影流鶯轉城外溪光細草侵
明月半江人不見翠微雲掩竹房深

南部東來憇短岑畫圖晴日興誰禁鈞天此日寒無夢

梁父當年舊有吟樓上詩成山欲動意中人遠病長侵
啟花翠竹紅塵隔暫醉春溪月色深

鄱陽雪景

一鳥不飛吳楚混片帆高掛水雲悠廬山冉冉瓊花發
彭蠡紛紛鶴駕遊寒意不饒東郭屨清華應燭富陽裘
淺斟低唱非吾樂堪笑陶生浪自羞

水簾洞

聞說朱陵小洞天遡溪東去有靈泉已看勝地塵氛隔
更凌冰簾日夜懸清影搖空看月上驪珠撒地想龍眠
神仙過此莫吹笛七十一峯寒氣備

南陽開阻風追屠一山昆玉不及次日枉詩見

寄次韻

日沂長流勢若層親朋携我覺舟輕風塵客路偶相失
沙市酒尊空自清更燭蓬窓頻問夜數星淮水定知晴
魯橋一笑重逢地還共扶搖九萬程

它泉

爲開立
中壺

吾家一住它山麓不及君家直矚泉梅月故橫西澗遂
松風偏落小溪船
中陸羽題終
舍外姜詩汲更便
天目源流接滄海定看飛澤媿名川

懷竹村先生疊蒲陽夜興韻